

日本後紀

五

和書門		
三六三三七	函	架
一七	冊	架
九	冊	架
一〇	冊	架

126

和書	
三六三三七	函
一七	冊
九	冊
一〇	冊

(一)

内閣文庫	
番號	和 36337
冊數	10 (1)
函號	137 126



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



日本後紀

十卷

温古堂藏

日本後紀卷第五

起延曆十五年七月盡十六年三月

左大臣正二位兼行左近衛大將臣藤原朝臣冬嗣等奉勅撰

皇統彌照天皇

桓武天皇


七月丙申御馬埵殿觀相撲戊戌幸南院賜

五位已上物有差無品朝原内親王授三品從

四位上五百井女王正四位下正五位下高嶋

女王正五位上從四位上藤原朝臣雄友正四

位下從五位下石上朝臣宅子從五位上外從



日本後紀卷第五

五位上物部多藝連建麻呂為造宮大工外從
五位下秦忌寸都岐麻呂為少工十六乙巳右大臣
正二位兼行皇太子傅中衛大將藤原朝臣繼
繩薨遣使監護喪事葬事所須令官給焉詔賜
從一位繼繩者右大臣從一位豐成之第二子
也天平寶字末授從五位下為信濃守天平神
護初叙從五位上尋授從四位下拜參議寶龜
二年餘叙正四位上十一月授從三位歷大藏

卿左兵衛督俄拜中納言天應元年授正三位
延曆二年轉大納言五年叙從二位兼中衛大
將九年□右大臣授正二位在位七年薨時年
七十繼繩歷文武之任居端右之重時在曹司
時就朝位謙恭自守政迹不聞雖無才識得免
世譏也戊申十九尾張國飢遣使賑給大和國人正
六位上大枝朝臣長人河內國人正六位上大
枝朝臣氏麻呂正六位上大枝朝臣諸上正七

位下管原朝臣常人從七位上秋篠朝臣全繼
等十一人貫付右京^{并二}辛亥詔曰朕以眇身忝承
司牧日旰忘食憫一物之向隅昧^一求衣懼五
行之紊序比來大宰府言肥後國阿蘇郡山上
有沼其名曰神靈池水旱經年未嘗增減而今
無故涸減二十餘丈考之卜筮事主旱疫民之
無辜恐蒙其殃方欲修德施惠消妖拯民其天
下鰥寡惻獨不能自存者量加賑給兼令每寺

三日齋戒讀經悔過庶恤隱之感格於上天靈
感之徵被於率土焉生江臣家道女迺送於本
國家道女越前國足羽郡人常於市鄽妄說罪
福眩惑百姓世号曰越優婆夷^{并四}癸丑造宮職官
位准中宮職但大屬特為七位官丁巳從三位
神王正三位紀朝臣古佐美為大納言正四位
下石川朝臣真守大中臣朝臣諸魚授正四位
上從四位上藤原朝臣内麻呂從四位下和朝

臣家麻呂正四位下八月己未朔日有蝕之甲
子大和國山崩水溢東大寺墻垣倒頽乙丑緣
淫雨不晴奉幣於畿內諸□筑後國滂詔令賑
恤丙寅遣使賑給京中百姓以霖雨經日穀價
騰躍也戊辰遣內兵庫正從五位下尾張連弓
張造佐比川橋山城國人正六位上大野朝臣
犬養貫付右京甲戌上野國山田郡賀茂神義
和神那波郡火雷神並為官社己卯巡幸京中

始置正親司史生二員是日勅諸國地圖事迹
踈畧加以年序已久□字闕逸宜更令作之夫
郡國鄉邑騎道遠近名山大川形體廣狹具錄
無漏焉癸未^{廿五}幸大藏省賜侍臣以下布有差丙
戌遊獵於登勒野丁亥^{廿九}左兵衛佐從五位上橘
朝臣入居為兼右中辨右兵衛佐從五位上秋
篠朝臣安人為兼左少辨九月己丑朔勅遷都
以來于今三年牡山烽火無所相當非常之備

不可暫闕宜山城河内兩國相共量定便處置
 彼烽燧^五癸巳從五位上阿保朝臣人上為陰陽
 頭播磨守如故丙申山城國紀伊郡陸田二町
 賜典侍從四位上和氣朝臣廣虫^{十五}癸卯越前國
 坂井郡公田二町荒田八十四町賜諱^{淳和太}
 上^{天皇}戊申山城國葛野郡公田二町賜從三位和氣
 朝臣清麻呂己酉遊獵于栗前野^{廿七}乙卯山城國
 人正六位下御犬連廣額等賜姓御坂連冬十

月己未正六位上御長真人廣岳等歸自渤海
 國其王啓曰嵩璘啓差使奔波貴申請禮侍承
 休養瞻望徒勞天皇頓降敦私^貶之使命佳問
 盈耳珍奇溢目俯仰自欣伏增惻悅其定琳等
 不料遘虜被陷賊場俯垂恤存生還本國奉惟
 天造去留同賴嵩璘猥以寡德幸屬時來官兼
 先爵土統舊封制命策書冬中錫及金印紫綬
 遼外光輝思欲修禮勝方結交貴國歲時朝覲

桅帆相望而巨木掄材土之難長小舩汎海不
沒即危亦或引海不譜遭罹夷害雖慕盛化如
艱阻何儻長尋舊好幸許來往則送使數不過
升以茲為限式作永規其隔年多少任聽彼裁
裁定之使望於來秋許以往期則德隣常在事
與望異則足表不依其所寄絹廿匹絕廿匹絲
一百約綿二百屯依數領足今廣岳等使事略
畢情求迨時便欲差人送使奉諭新命之恩使

等辭以未奉本朝之旨故不敢淹滯隨意依心
謹日迴次奉付土物具在別狀自知鄙薄不勝
羞愧辛酉正六位上御長真人廣岳授從五位
下正六位上桑原公秋成外從五位下並以奉
使稱旨也壬戌遊獵於大原野始置典藥寮史
生四人造酒司史生二人癸亥遊獵于紫野賜
五位已上衣丙寅遊獵於日野賜五位已上衣
戊辰造宮職竿師為從八位官辛未始置主鷹

司史生二人^{十五}壬申先是渤海國王所上書疏體
 無定例詞多不遜今所上之啓首尾不失禮誠
 款見乎詞羣臣上表奉賀曰臣神等言臣聞大
 人馭時以德為本明王應世懷遠是崇故有殷
 代則四海歸仁周日則九夷順軌伏惟天皇陛
 下仰天作憲握地成規窮日域而慕聲布風區
 而向化誠可以孕育千帝卷懷百王者矣近者
 送渤海客使御長廣岳等迴來伏見彼國所上

啓辭義溫恭情禮可觀悔中間之迷圖復先祖
 之遺跡况復緣山浮海不顧往還之路難克已
 改過始請朝貢之年限與夫白環西貢楛矢東
 來豈可同日而道哉臣等幸忝周行得逢殊慶
 不任鳧藻之至謹詣闕奉表以聞詔曰獻表波
 見行都然卿等^乃勤^之供奉^尔依^之水表^乃國
 毛順仕^{良之}止^{奈毛}所思行之嘉^備悅^備御坐^止詔
 天皇詔旨乎衆聞食宣正四位上日幡造淨成

女卒淨成女元日幡國高草郡之采女也。天皇
持加寵愛終至顯位。癸酉其志摩國飢遣使賑給。
是日遊獵于登勒野己卯。陸奧國博士醫師官
位准少目奉授陸奧國多賀神從五位下。先是
請卅僧一七日於宮中行藥師悔過。是日事畢
焉。甲申廿七從五位上橘朝臣安麻呂為少納言。正
五位上大原真人義氣為諸陵頭。外從五位下
尾張宿禰弓張為主油正。外從五位下桑原公


秋成為大和介。正五位下巨勢朝臣野足為下
野守。從五位下多治比宿禰真淨為肥後介。從
五位下三諸朝臣綿麻呂為近衛將監。從五位
下藤原朝臣最乙麻呂為內兵庫正。近衛少將
從四位下坂上大宿禰田村麻呂為兼鎮守將
軍。□為軍監。定鼓吹司吹部号。置負卅四
人。初大寶降。或注吹人。或著角吹。或稱番上。或
号吹部。名既不定。數亦無限。今定名吹部。准雅

樂寮雜色生乃聽勅籍焉十一月戊子朔曲宴
賜侍臣已上被己丑遊獵於北野河內國志紀
郡荒田一町賜正七位下秋篠朝臣清野陸奧
國伊治城玉造塞相去卅五里中間置驛以備
機急辛卯陸奧國人從五位下道嶋宿禰赤龍
貫于右京壬辰賜故右大臣贈從一位藤原朝
臣繼繩度七人外正六位上上毛野朝臣益成
吉彌侯部弓取巨勢部楯分大伴部廣掎尾張

連大食授外從五位下以戰功也乙未詔曰周
朝撫曆肇開九府之珍漢室膺期爰設三官之
貨用能遷有無以均利通□夷而得宜濟民之
要須乃益國之嘉策然而□機適時賢哲所以
成務權輕作重母子於是並行項者私鑪滋起
奸鑄紛然施之交關既為輕賤宛之貯蓄不堪
寶用即欲禁止卒誰懲清事須平量以救流弊
是以更制新錢仍增其直文曰隆平永寶宜以

新錢一當舊錢十。新舊兩色兼使行用。但舊錢者始自來歲限以四年。然後停廢。遣伊勢參河相摸近江丹波但馬等國婦女各二人於陸奧國教習養。□□以二年。丁酉無位鳴野女王百濟王孝法百濟王惠信和氣朝臣廣子橘朝臣常子紀朝臣內子紀朝臣殿子藤原朝臣川子錦部連真奴等授從五位上。無位弓削宿禰美濃人從五位下。庚子勅納貢之本任於土宜物。

非所出。民以為患。今備前國本無鑿鐵。每至貢調常買比國。自今以後宜停貢鐵。非絹則糸。隨便令輸。辛丑始用新錢。奉伊勢神宮賀茂上下二社松尾社。名施七大寺及野寺。賜皇太子親王。己下職事正六位上。僧都律師等各有差。甲辰宴羣臣。賜帛有差。從四位上和氣朝臣廣虫授正四位上。无位藤原朝臣名子從五位上。外從五位下。刀佩首廣刀。自從五位下。戊申遊。



日本後紀卷五

九

獵於日野發相摸武藏上總常陸上野下野出
羽越後等國民九千人遷置陸奥國伊治城已^{廿二}
酉令天下諸國搜捕逃亡飛驒工若有容隱科
違勅罪安藝國沼田郡采女佐伯直那賀女授
外後五位下丙辰^{廿九}遊獵於栗栖野十二月辛酉^四
從五位下多治比宿禰真淨為內匠頭正四位
下藤原朝臣雄友為兼中衛大將參議大藏卿
如故後四位下三嶋真人名繼為左衛士督從

五位下藤原朝臣清主為內匠頭後五位下都
努朝臣筑紫麻呂為助外後五位下阿倍安積
臣繼守授外後五位上禁鈐帶以支鑄錢也癸^六
亥大和國十市郡荒田一町賜左衛士督後四
位下三嶋真人名繼丙寅^九詔曰皇親之陰事具
令條而皇室之胤枝族已衆欲加榮班難可周
及是以進仕無階白首不調眷言於此實合矜
恕宜其四世五世王及五世王嫡子年滿廿一

者叙正六位上。但庶子者降一階叙身。命而後永以為例。辛未巡幸京中。便御三品朝原内親王第。賜五位以上物。戊寅流出雲臣家繼於土佐國家。繼與叔父乙上不協。謀相傷事。覺及罪。乙上任佐渡權目。不預整務。唯給公廨而已。辛巳少僧都行賀為大僧都。丙戌勅免流人水上川繼課。役陸奥國人外。少初位下吉彌候部善麻呂等十二人。賜姓上毛野陸奥公。

十六年春正月戊子朔。皇帝御大極殿受朝賀。大宰府獻白雀。宴侍臣已上於前殿。賜被甲午宴五位已上。賜束帛。有差從五位上篠嶋王授正五位下。正六位上坂本王安曇王從五位下。從四位下百濟王玄鏡。藤原朝臣乙叡。多治比真人海從四位上。正五位下紀朝臣作良。羽粟臣翼。橘朝臣綿裳。正五位上。從五位上阿保朝臣人上。藤原朝臣大繼。紀朝臣 正五位

下從五位下藤原朝臣仲成藤原朝臣今川蜷
淵真人岡田和朝臣入鹿麻呂從五位上外從
五位上麻田連真淨伊勢朝臣諸人正六位上
多治比真人道作淡海真人福良麻呂多治比
真人今麻呂大原真人真福藤原朝臣星雄大
中臣朝臣諸人紀朝臣永繼粟田朝臣入鹿大
野朝臣犬養安倍朝臣家守大伴宿禰大關平
群朝臣廣道田口朝臣息繼百濟王聰哲佐伯

宿禰鷹成石川朝臣道益和朝臣建男安倍小
殿朝臣野守中臣丸^ワ朝臣豐國從五位下正六
位上錦部連春人民忌寸廣成山口忌寸諸上
林宿禰沙婆中科宿禰臣都雄外從五位下^{十一}戊
戌正六位上槻本公奈豆麻呂嵩山忌寸道光
授外從五位下^{十三}庚子陸奧國白川郡人外^八
位[□]大伴部足猪等賜大伴白河連^{ワケリ}豆理郡人
五百木部黑人大伴豆理連黑河郡人外少初

位上大伴部真守行方ナカ郡人外少初位上大伴
部兄人等大伴行方連安積ヤカ郡人外少初位上
丸子部古佐義大田部山前富田郡人丸子部
佐義小田郡人丸子部稻麻呂等大伴安積連
遠田郡人外大初位上丸子部八千代大伴山
田連磐瀨郡人 大伴宮城連從四位下
三嶋真人名繼為大和守從五位下淡海真人
真直為伊勢介從五位上高橋朝臣祖麻呂為

駿河守從五位下百濟王元勝為安房守從五
位下大野朝臣犬養為上總介大外記外從五
位下中科宿禰臣都雄為兼常陸少掾從五位
下大神朝臣仲江麻呂為義濃介從五位下百
濟王聰哲為出羽守從五位下大枝朝臣真仲
為能登守從五位下石川朝臣道益為但馬介
從五位下安倍朝臣家守為伯耆介從五位下
紀朝臣真賀茂為石見守從五位下石川朝臣

嗣人為備後守外從五位下山口忌寸諸上為
介從五位下巨勢朝臣訓備為安藝守外從五
位下林宿禰沙婆為介從五位下多治比真人
今麻呂為肥後介^{十四}辛丑傳燈大法師位善珠為
僧正傳燈大法師位等定為大僧都傳燈大法
師位施曉為少僧都^{十五}壬寅長岡京地一町賜從
四位下菅野朝臣真道^{十六}癸卯宴五位以上賜祿
甲辰^{十七}觀射於朝堂院丙午^{十九}遊獵於水生野丁未

巡幸京中己酉大和國稻三百束施僧正善珠
法師弟子僧慈厚以事師无倦也從五位下粟
田朝臣入鹿為中務少輔外從五位下内藏宿
禰賀茂麻呂為主計助^{廿三}庚戌勅參議已上左右
大辨八省卿委任既高群寮所仰而介帶之國
遥附公文因茲參對諸司事不穩便自今以後
宜停遥附焉賑給壹伎嶋飢民^{廿四}辛亥能登國羽
咋能登二郡没官田并野七十七町賜尚侍從

三位百濟王明信^{十五}壬子遊獵於大原野是日勅
山城國愛宕葛野郡人每有死者便葬家側積
習為常令接近京師凶穢可避宜告國郡嚴加
禁斷若有犯違移貫外國癸丑^{十六}幸近東院宴五
位已上賜錢有差甲寅廢阿波國驛家口伊豫
國十一土佐國十二新置土佐國吾檜舟川二
驛二月丁巳朔巡幸京中賜山城國相樂郡田
二町六段為贈右大臣從二位藤原朝臣百川

墓地己未置內厩寮史生四負是日曲宴賜五
位已上綿有差辛酉遊獵于北野癸亥^{十七}勅從五
位上嶋野女王百濟王孝法百濟王惠信和氣
朝臣廣子橘朝臣常子紀朝臣內子紀朝臣殿
子藤原朝臣川子錦部連真奴從五位下弓削
宿祢美濃人等位田宜准男給之乙丑^{十九}外從五
位下內藏宿禰賀茂麻呂為大外記從五位下
淨野宿祢最弟為兼縫殿頭左衛士大尉近江

□掾如故外從五位下槻本公奈豆麻呂為內
藏助從五位下淡海真人福良麻呂為治部少
輔外從五位下上道朝臣廣成為玄蕃助從五
位下平群朝臣廣道為主計助參議從四位上
藤原朝臣真友為兼大藏卿右京大夫如故從
五位下中臣丸朝臣豐國為主殿助從五位下
田中朝臣淨人為造酒正大納言正三位勳四
等紀朝臣古佐美為兼東宮傅式部卿如故文

章博士外從五位下賀陽朝臣豐年為兼學士
右大辨從四位下藤原朝臣葛野麻呂為兼春
宮大夫從四位上藤原朝臣乙叡為越前守左
京大夫中衛大將如故大判事從五位下藤原
朝臣縵麻呂為兼因幡守正五位下橘朝臣入
居為播磨守右中辨左兵衛佐如故從五位下
多治比宿禰真淨為讚岐介參議正四位下藤
原朝臣雄友為大宰帥從五位下和朝臣建男

為大尉^{十三}己巳先是重勅後四位下行民部大輔兼左兵衛督皇太子學士管野朝臣真道後五位上守左少辨兼行右兵衛佐丹波守秋篠朝臣安人外從五位下行大外記兼常陸少掾中科宿祢臣都雄等撰續日本紀至是而成上表曰臣聞三墳五典上代之風存焉左言右事中學葉之迹著焉自茲厥後世有史官善雖小而必書惡縱微而无隱咸能徽烈絢緗垂百王之龜

鏡炳戒昭簡作千祀之指南伏惟天皇陛下德光四乳道契八眉握明鏡以惣萬機懷神珠以臨九域遂使仁被渤海之北貊種歸心威振日河之東毛狄屏息化前代之未化臣往帝之不臣自非魏二盛德孰能與於此也既而負宸餘閑留神國典爰勅真道等銓次其事奉揚先業夫自寶字二年至延曆十年卅四年廿卷前年勅成奏上但却起文武天皇元年歲次丁酉盡

寶字元年丁酉。惣六十二年。所有曹案卅卷。語
多米塩事。亦踈漏前朝詔。故中納言從三位石
川朝臣名足。刑部卿從四位下淡海真人三船。
刑部大輔從五位上當麻真人永嗣等。分帙修
撰。以繼前紀。而因循舊案。竟无刊正。其所上者
唯廿九卷而已。寶字元年之紀。全亡不存。臣等
搜故實於司存。詢前聞於舊老。綴叙殘簡。補緝
缺文。雅論英猷。義閑貽謀者。惣而載之。細語常

事。理非書策者。並從略。諸凡所刊削。廿卷并前
九十五年卅卷。始自草創。迄于斷筆。七年於茲。
油素惣畢。其目如別。庶飛英騰茂。與二儀而垂
風彰善。瘳惡傳。萬葉而作鑿。臣等輕以管窺。裁
成國史。率愚歷稔。伏增戰兢。謹以奉進。歸之策
府。是日詔曰。天皇詔。肯良麻勅。久菅野真道朝
臣等三人。前日本紀與利以來未修繼在留久年
乃御世御世。乃行事。乎勘搜修成。其續日本紀

卅卷進留勞動美譽美奈所念行須故是以冠
位奉賜治賜波久勅御余乎聞食止宣從四位
下菅野朝臣真道授正四位下從五位上秋篠
朝臣安人心五位上外從五位下中科宿禰臣
都雄從五位下辛未勅故從三位勲二等坂上
大宿禰荊田麻呂正四位上勲二等道嶋宿禰
嶋足等寶字之歲平遇不虞奮不顧身共著其
効是以叙勲之日授二等加賜功田廿町並傳

其子而後特以嶋足准之大功所賜之田世二
不絕功既同等賞何殊科疇庸之典恐有未允
宜其嶋足功田依前年勅同傳子之限從五位
下多治比真人八千足為少納言從五位下廣
庭王為侍從兼河內守侍從從五位下大庭王
為兼左大舍人頭讚岐守如故從五位上三諸
朝臣真屋麻呂為右大舍人頭内匠頭從四位
下村村王為兼正從五位下藤原朝臣二

起為雅樂頭。後五位下田口朝臣息繼為助。後
五位下大伴宿禰大關為主計助。後五位下田
中朝臣清人為宮内少輔。後五位下田中朝臣
太魚為造酒正。後五位下坂本玉為園池正。後
五位下紀朝臣永繼為左京亮。後五位下橘朝
臣嶋田麻呂為春宮亮。後五位下平群朝臣廣
道為橫津分。後五位下紀朝臣與手麻呂為土
佐守。壬申遊獵於登勒野。是日停給畿内國司

事力并職田。癸酉太政官史生後七位下安都
宿禰笠主。式部史生賀茂縣主立長。叙位二階。
中務史生大初位下勝繼成。民部史生大初位
下別公清成。式部書生無位雀部豐公一階。以
供奉撰日本紀所也。甲戌朝原内親王獻物。賜
五位已上綿。丙子巡幸京中。丁丑參議左大辨
近衛大將兼神祇伯正四位上大中臣朝臣諸
魚平諸魚者。故右大臣正二位清麻呂之弟。四

子也。寶龜初授從五位下。為衛門負外佐。八年。為真擢遷中衛少將。兼下野守。至正五位上。延曆中遷式部大輔。兼右京大夫。俄授從四位下。拜參議。兼近江守。尋授從四位上。為神祇伯。兼近衛大將。授正四位上。卒時年五十五。諸魚性好琴歌。无他才能。雖在哀制。乘興忘。貧冒財。貨營求產業。時議以此鄙之。戊寅。長岡京地二町賜諱。淳和天皇庚辰。從五位下中臣朝臣宅成。

為雅樂助。從五位下。田口朝臣息繼為鑄錢次官。廿六甲申。勅租稅之本。備於水旱。錢帛之財。飢而不食。今聞京職多有收錢事。須賤末貴本。一絕收錢。但恐民有貧富。不必畜穀。宜聽貧乏之徒進錢。通計不得過四分之一。三月戊子。先是甲斐相摸二國相爭國堺。遣使定甲斐國都留郡。留村東邊砥澤為兩國堺。以西為甲斐國地。以東為相摸國地。己丑。宴侍臣。奏樂。賜祿有差。

甲午敕畿内國司新至任者皆限八月卅日依
式給糧今停職田割租為新收租之後須得其
分宜改舊例限十一月卅日丁酉正四位下管
野朝臣真道為左大辨東宮學士左兵衛督伊
勢守如故參議正四位上石川朝臣真守為兼
刑部卿從五位下大伴宿禰大關為春宮大進
參議刑部卿正四位下藤原朝臣内麻呂為兼
近衛大將參議左京大夫從四位上藤原朝臣

乙叡為兼中衛大將參議正四位下和朝臣家
麻呂為兼衛門督傳燈大法師位勝虞如寶並
為律師長岡京地五町賜從四位下多治比真
人邑刀自同京地一町賜大田親王癸卯信濃
國人外從八位下前部綱麻呂賜姓安坂令遠
江駿河信濃出雲等國進雇夫二万卅人以供
造宮役丙午遊獵於北野宴飲奏樂賜四位已
上衣正六位上並觀忌寸荻麻呂授外從五位

下右京人正七位上乃西他麻呂等賜姓安野
造^{廿七}癸丑甲斐下總兩國飢遣使賑給後四位下
多治比真人繼兄為中務大輔後五位下坂柰
王為雅樂頭後五位上笠朝臣江人為民部大
輔信濃守如故後五位下藤原朝臣貞嗣為少
輔外從五位下葛井宿禰松足為主計助後五
位下紀朝臣千世為刑部少輔外從五位下並
槻忌寸荻麻呂為園池正後四位下紀朝臣勝

長為右京大夫左衛士督造東大寺長官美作
守如故從四位下百濟王英孫為右兵衛督^{廿九}
外武藏土佐所飢遣使賑給之

日本後紀卷第五

[Faint bleed-through text from the reverse side of the page]

考異

馬埽殿一張右四行馬舊作為

故不水溢三左二水舊脫天造五右六天舊作

不譜五左二譜慕聲六左六慕舊作已卯三七左

卯以下世七字舊在甲野足八右一二字舊為

兼鎮守將軍八右五六字舊脫正五位下從五

位下藤原朝臣十二右八十二字永繼六繼舊

脫據下為大尉十七左一尉盛德十八右五盛

[Marginal notes on the left side]

却起史十八右八却類曹案史十八左一曹類因循

十類史八左五循書策類十九右一書庶飛英三十九右

作鹿史訂治賜舊十九左二正四位上廿二左

作下史訂左京大夫廿二左八邑刀自廿三右四

續日本紀貞嗣廿三左五嗣舊延久六年六月

廿七日未時比校畢本十四字舊

